

榮縣志

古蹟第十三

唐宋刺史署在城清富山。唐開元十三年封靖恭王。魏王榮琬立宗第六子。劉華如生時為京兆牧。未莅榮也。咸通三年。憲宗封子憤為榮王。史臣云。唐自中葉。王子多在京師。幼者或不出閣。雖以國王之實。與匹夫不異。則憤亦未莅榮也。宋封榮王者五人。封和義郡王四人。舊志。宋真宗封子德雍為榮王。此妄作也。德雍者。魏王子。於真宗為從兄。亦無封榮之事。惟紹興三十年。四月。高宗以皇孫惇為榮州刺史。惇即光宗也。刺榮時。孝宗尚未立為皇太子。後孝宗即位。光宗始封恭王。今俗

榮縣志

古蹟第十三

一

動以光宗為榮王。以刺史為分藩署。為榮王府。皆誤也。光宗立。升榮州為紹熙府。亦即故署為治所。而自唐以來。極繁麗。有蓮塘。江樓。河亭之勝。劉兼詩。郡城樓閣繞江濱。兩岸煙花春富貴。一筵金翠臨芳岸。桃花滿地春牢落。蓮嬾紅香。而郡樓舞袖。逐風翻繡浪。歌塵隨燕下雕梁。凡以言聲伎花木者。經五代全無。兵燹後。宋三百二十年中。晁子止郡齋讀書志。郡齋者。即榮州刺史署。餘則陸游齋中夜坐有感云。荒山為城溪作壕。風鼓巨木聲翻濤。鳴臬乘屋彈不去。狐狸欺人怒豎毛。雨來紅鶴更可惡。爭巢一似嬰兒號。城孤屋老草木茂。正坐人

少此輩豪。急呼伍伯具。奮錘欲掀窟。穴窮腥臊。忽然語罷。卻自笑。殘年何至與汝廛。浣花江色綠如黛。春波豔豔浮輕舸。行當繫纜柳陰下。仰聽鶯語傾香醪。語近幽鬱。然風翻巨木。則署中森林可想。至汪水雲過榮州。猶云妓女吹金管。庖丁洗玉盤。及明清而山縣荒涼。迥不知舊代王城。等於樊樓燈火矣。

子城。卽環刺史署者。大抵名郡多有之。白香山詩。子城陰處猶殘雪。謂江州也。榮州治有清富樓。踞清富山上。左襲香亭。右迎曦亭。前來薰亭。後望熙亭。城門外有大周聖德碑。當時思媚金輪。宋汪元量醉倚高樓。疑卽清

榮縣志

古蹟第十三

一一

川文。地

富樓。故曰蠶叢鳥道。指城北諸山也。清修武侯祠。而清富爲叢葬處。萬冢纍纍。光緒末。西人建教堂樓閣。又暉麗如海市矣。舊志。十二景。此爲清富登臨。其地俗稱古城。或稱榮王府。明龔匯文廟碑云。洪武四年。榮州仍第一山。舊府治。匯猶知國故者。

佛耳池。在清富山下。古刺史署中觀游者。因地屈曲如耳形。清時居民。鬪菜園。往往得石馬金獅銅鼎諸物。今爲張氏宅。浚池。得陶器累累。及光宗小銅章。而池改其形矣。宸章閣。奎章閣。俱廢。

八方琉璃井。近佛池。宋井也。以河石子嵌成之。紫翠煊

爛今僻在民居。惜無好事者。張之城有槐花井。亦以清冷名。

高齋在刺史署。陸游桃源憶故人序云。因子城作樓觀。詳其詞。蓋今西城。俯見程垓沙原環水。村落蕭然。但不知劉兼西齋卽此否。兼詩數登郡樓。亦必子城佳處。其春宴河亭詩。四面煙花出粉牆。準地望。亦當程垓。惜縣人自唐無詩也。陸游西樓夕望云。夜郎城裏歎途窮。賴有西樓著此翁。溪鳥孤飛寒靄外。野人參語夕陽中。蒼天可恃何曾老。白髮緣愁卻未公。俗態十年看爛熟。不如留眼送歸鴻。西樓疑卽兼所登郡樓也。高齋小飲戲榮縣志古蹟第十三

作云。梅花又發鬼門關。坐覺春風萬里寬。荔子陰中時縱酒。竹枝聲裏強追歡。丁年漢使殊方老。子夜吳歌昨夢殘。白帝夜郎俱不惡。兩公遊處得憑欄。自注。子五年閒。自夔客榮。按詩中無戲語。而題戲作者。以鬼門關三字近妄也。杜客夔州。李謫夜郎。結句強以自況。惟夜郎在今遵義。而似爲榮州。斯陋矣。

昭德堂在刺史署。宋晁公武建。與講教堂俱廢。晁氏世家大族。文物備載。史集祖迥居京師。昭德坊。箸昭德新編。故公武名此堂。撰郡齋讀書志也。陸游昭德堂晚步詩云。笑喚枯筇蹋夕陽。探春聊作靜中忙。高枝鵲語如

相命。幽徑梅開祇自香。苔蝕斷碑驚世換。鐘來廢寺

城荒。謫仙未必無遺恨。老欠題詩到夜郎。
九摺屏。在清富山陰。下臨赤沙步。今荒絕。倘瀕溪小。笑
宜幽勝也。城北之山。挾溪而來。叢青疊翠。僅於西人樓
上瞰之。

荷池在縣署西。署唐旭川宋榮德治也。池意版築時鑿
土而成。證以劉兼蓮塘諸詩。知池昉唐年矣。清嘉慶丙
寅。知縣許源。因池中此君亭圯。葺新之。奉新宋鳴琦守
嘉定。名之曰鏡香亭。蓋李白別儲邕之剡中詩。借問剡
中道。東南指越鄉。舟從廣陵去。水入會稽長。竹色溪下
榮縣志古蹟第十三

四
川。一。廿

綠。荷花鏡裏香。辭君向天姥。拂石卧秋霜。鳴琦取句名
亭。其實秀州撫州均有此亭。茲特襲之耳。唐劉兼詩。紅
蕖全謝鏡心香。則真榮州鏡香也。

此君軒在鳳鳴山。舊志稱鳳鳴朝陽者。宋嘉祐寺僧祖
元。建其堂曰霜鐘堂。黃山谷過戎州。數題此君軒詩。後
併祠山谷。久廢。清知縣許源。以意度地。於文昌宮構數
楹。榜曰此君軒。祖元爲王周彥從兄。榮州與蘇黃有連。
皆因王氏之秀也。寺有井。清時以卜科第。浚之得沙石。
知與河心平。

竹王祠在東門橋。太平寰宇記引楊雄蜀記。明立廟之

本則此祠創自唐前而昧者遂誤榮爲夜郎名東溪爲
遯水。廟前爲浣紗溪。氓之蚩蚩具章鄙倍。故水道篇力
糾之。陸放翁詩。我今流落夜郎天。亦不解讀范書者。
大佛崖在東郊。宋曰東山。元豐十八年。僧淳德鑿像。元
祐七年成。崖半曰嘯臺。李燾題壁。舊志稱嘯臺遊賞。嘯
臺對峙曰蓮臺。迤南曰羅漢洞。宋曰龍洞。上有亭曰龍
門亭。久廢。舊志稱龍湫。夜月其山連亘中斷。俗云雙獅
結尾。南曰龍頭山。塔曰鎮南塔。舊志稱龍頭插筆。惟清
時宮鑑。桂於佛崖。鑿達摩像。是爲逸品。

青陽洞。縣南一里。浮圖崖。後深十二丈。廣十三丈。史記

榮

縣志

古蹟第十三

五

小引。刊

黃帝之子玄囂。是爲青陽。降居江水。大戴禮。青陽降居
泝水。榮界江泝之間。東距泝百五十里。西距江二百里。
揆之地望。證之國聞。互相印合。攷國語。司空季子言青
陽。方雷之甥。爲己姓。而嫫祖之子爲姬姓。似黃帝子有
兩。青陽居江泝者。姬姓青陽也。古風淳樸。無後世侯甸
要荒之判。故黃帝司徒祝庸居江水。地在朱提。見山海
經。黃帝孫昌意。少封北土。國有大鮮卑山。見魏書。再卽
江水泝水。以今地勘之。自仁壽至瀘州各縣。皆毗左毗
右。惟榮上下四維。皆總其中。且榮梨山。古稱玄囂崖。舊
傳。有石穴。實古神皋奧區。至漢志。安陽下應

劭云古江國。張守節遂指爲青陽之封。不知汲冢古文。明稱西方安陽。與烏師何涉。且以江國當江水。何以處禮家泝水。又有言廬州青陽者。則得名以青山之陽。無然畔援矣。

萬景樓在城西鳳棲山。與鳳鳴之名。疑皆王蜀時造。讀五代史記可知。舊稱萬景岑樓。土風競唱。大雅嗤焉。

橫溪閣在城北聳雲山下。宋義門王氏居。夢易築歸來亭。山上鑿石室一區。黃山谷題曰地仙洞。見陸游詩注。相傳夢易子庠序讀書之所。故舊志標雙溪書閣。雙溪北宋已名。楊天惠爲之傳。序又建橫溪閣。久廢。光緒末

榮縣

志

古蹟第十三

六

六

里人意度於沙汜。粗構數楹。仍榜橫溪。攷聳雲山古石龜山也。文與可王氏北溪詩。石龜州北羣峯起。一去距城無十里。烟嵐秀氣護巖扃。松菊清香泛溪水。輕裘肥馬正榮耀。春韭秋菘任凋毀。待將底物謝移文。谷口濃雲白如紙。與可皇祐元年進士。爲夢易同年。而詩詞似有譏焉。按明孝女阿回打虎詩。稱龜子山頭。疑卽此。或曰箐口。乃今箐林。姑存兩證。陸放翁有晚登橫溪閣詩。樓鼓聲中日又斜。憑高愈覺在天涯。空桑客土生秋草。野渡虛舟集晚鴉。瘴霧不開連六詔。俚歌相答帶三巴。故鄉可望應添淚。莫恨雲山萬疊遮。犖嶮坡頭筇竹枝。

西臨村路立多時。賣蔬市近還家早。煮井人忙下麥。適
自注。榮多鹽井。秋冬收薪茅取急。病客情懷常怯酒。山
城老景盡供詩。晚來試問愁多少。只許高樓橫笛吹。沿
洞上坡有泉一泓。曰蒙泉。題名石上。

王序塘在東北郊。序官徽猷閣待制。知河陽軍州事。充
陝西河東河北宣撫使司。隨軍轉運使。歸營里第。妙構
池臺。鄉人豔之。因斥其名。標其勝也。山曰鳳皇原。又曰
高城原。自夢易庠序。以次均葬焉。張商英表猶存。王氏
實居北山。此爲宦成新墅。故名其村曰孫村。而俗稱講
教洞對岸爲望兒山。母夫人向登山以望庠序。村翁鄉
榮縣志

古蹟第十三

七

三〇。四

嫗之談。虛構事實。愚者述之。

榮德山。元和志。在縣東北三十五里。寰宇記。獨拔五百
餘尺。有老君祠。其稱希夷修道諸勝。宋後之鄉聞也。大
嶂橫岡之上。突立如甌。遠望峽然。舊志稱榮德晴嵐。以
爲勝槩。按舊唐書。榮州以榮德山得名。是榮德著聞。在
唐前明據。唐有薛高邱碑。釣魚臺爲榮隱公遺蹟。唐人
篆心月磯。始建縣下。聖曆二年。移置榮社山。知百里內
外。古地多取榮稱。名勝志。以榮爲周榮公封國。周邵畢
榮。備載國語。縣南又有榮夷公墓。榮之爲名。傳聞有緒。
依山泝證。宜非誣矣。隋楊玄感之亂。事平。樊子蓋封濟

公來護兒封榮國公。二人同事同功。下詔言濟公乃功濟天下。特爲立名。實無此國。而榮國公史獨無說。則知當日實有榮國。地志不載。例如和義。咨官。隋有縣而志無之。然則唐武德立州。以榮德爲名。安知非沿雅稱。復還舊地。特隋制日易月改。日案日湮。唐修無由攷列耳。不然。榮德。榮梨。榮隱。榮社。均非山獠有此雅誼。校擁斯茫水迴殊。理而董之。是在後之多聞者。

附記。通典。夜郎郡後列珍州。今理營德縣。古蠻夷之地。大唐貞觀七年。置珍州。或爲夜郎郡。領縣四。營德。夜郎。麗皋。樂源。又全唐文有珍州榮德縣丞梁君墓。

榮縣志

古蹟第十三

八

卷之八

誌銘。梁名師亮。字永徽。安定烏氏人。垂拱中。譴授珍州榮德縣丞。以萬歲通天元年七月二日。終於益州蜀縣。以二年三月六日葬雍州終南山。關中金石記載其碑。按通典。今理云云。則杜佑時縣未廢。地理志稱珍州置於貞觀十六年。十道志云十七年。知通典奪十字也。營德石本作榮德。亦通典誤。珍州今遵義屬地。觀此知榮州誤爲夜郎。混於唐以來郡縣之名矣。特不知珍州之榮德。因何取義也。

釣魚臺。縣南十五里。唐榮隱公釣所。舊志稱漁磯垂釣也。唐人篆心月磯三字。立磯上。後移縣譙樓。今佚。近土

人傳對岸掘得一碑。榮隱公卽陳搏。按搏有釣潭集。而碑說則荒渺。

老君臺。縣西三十五里。舊志稱筠山夕照。世傳榮隱公石室在焉。唐有修道觀碑。山下鐵廠鋪。陳希夷書四字。曰生涯無極。

翠筆峯。縣北十五里。翠尖巉巉。頗類海東富士山。富蓬古雙聲。士來古疊韻。故世傳富士卽蓬萊也。舊志標其勝曰翠壁凌霄。茲山不以壁勝。宜曰翠筆。下卽藍橋。數里卽唐洛陽溪。宋桑梓園矣。

石筍鋪。縣西七十五里。古驛程也。玉立參差。宛然縮本。榮縣志

古蹟第十三

九

川上。山

黃牛峽。但無水耳。舊志標石筍排空。

嘯天龍。城西五十里。西來萬山之阨。

老林口。城北三十五里。北來萬山之阨。

資官縣治。今來牟鋪。宋書。晉義熙十年。置治官縣。南齊書。治官屬犍爲郡。隋地理志。無治官。而列傳有之。舊志稱梁陳廢。隋復置。不審所據。又引元和志。大業十一年。治官屬犍爲郡。而志實無此語。不審誤引何書也。晉宋本治官。隋誤咨官。唐又以咨爲資。至宋仍稱資官。寶慶後廢。其地在縣西。元和志。東南至州九十里。寰宇記同。惟九域志云。去州七十五里。合以元和志。白崖山在資。

官縣西北十里。寰宇記縣在擁斯茫水西二十里。一昭合。當今來牟鋪確矣。今記擁斯茫水在縣西二十里。寫官誤也。至新橋南近資國寺。宋有資國鎮。今金石井有資官廟。皆與古縣治無涉。

齊僑置南安郡。今來牟鋪。南齊州郡志。永元三年。南安郡領縣五。南安、華陽、白水、樂安、桓道。時始興王鎮爲刺史。秦州氏亂。故徙秦州之南安郡。僑置於此。因治官亦漢南安縣地。名同勢便也。通典寰宇記俱言之。經梁及陳。至隋初而廢。特記南安字誤安陽耳。今雙古鎮之華陽山。意卽當時華陽僑縣。其白水、樂安、桓道、民戶或稀。或年久地廢。要卽治官標名南安。今秦郡流民有歸。不嫌郡縣並集一地。荒時建置然也。今來牟鋪有南安縣古碑。

榮縣志

古蹟第十三

十

川文。卅一

應靈縣治。元和志東北至州一百五十里。隋開皇十年置大牢鎮。十三年改鎮爲縣。天寶元年改爲應靈。寰宇記舊五鄉。今三鄉。是疆域唐廣而宋狹。又唐書景龍二年。省雲州及羅水、雲川、胡連三縣入大牢。準今地望。必在犍爲。相傳以爲金山寺。理或然也。

和義縣治。元和志本漢資中地。是瀘資二界。西南至州一百七十里。寰宇記乾德五年廢入威遠縣。

公井縣治。今貢井縣丞治所。元和志西北至州九十里。寰宇記唐貞觀元年置旭川婆日。至如三縣。二年割瀘州之隆越來屬。公井既包隆越。則縣東南境廣矣。

西南七十里。擁斯茫水北岸。曰李埧。國變七年得碑記。烽堠界。東止本甲小市。南止大江。西止資官縣界。溪水北止本柵小市。款識保丁王慶宜。保長許大猷。甲頭白皓。張伯鴻。都保張伯之。右迪功郎縣尉陳。左迪功郎主簿樊。右從政郎縣令丁。按階官左右。紹興時制。至淳熙而字去也。與資官縣界溪水。則地轄榮德溪。今名金魚埧。在擁斯茫水南。則榮德資官分壤之判也。舊志稱資榮縣志

榮縣志

古蹟第十三

十二

×月一。地

國鎮西南四十里廢。此殆其地。今寺曰資國寺。相傳元兵渡馬湖。由江而入。一焚蕩盡。故土田猶積瓦礫云。

花崖村。彭村。羅村。綾錦村。杏春村。柵木園。芭蕉園。悉傳南宋故蹟。惟竹園鋪。今為市集。

成都市。九州要記。漢武帝時。南中令使通爇道。無功。唐蒙將殺之。令曰。恨不見成都市而死。蒙因立市如成都。以殺之。故曰成都市。此與馬鳴戍均見寰宇記。

馬鳴戍。益州記。旭川縣有馬鳴戍。漢刺史韋拔夜過此地。有神馬嘶溪中。馬嘶以應之。故有此戍。

滇池。寰宇記。周迴三百里。水出甚駛。產馬。日行五百里。

事同大宛。按此姚州姚城縣誤入者。

鐵沖近楊家場。國變乙卯。石工鑿石得人體。雖化石而骸骨了然。肝肺猶腥。作黏質。全形偉大。上體猶存石中。趙熙紀以詩。以爲立世阿毗曇論所稱劫量。此人在劫波。感陀前矣。南通費範九聞之。驚喜登報章。傳之天下佛社。

榮夷公墓。舊志在縣南十里。明學使潘璋樹碣。按周邵畢榮。周室四輔也。至夷公則荒矣。墨子曰。厲王染於厲公。長父榮夷終。呂氏春秋本之。史記厲王好利。近榮夷公。是其人固遺臭者也。顧榮之得名。舊唐書云。因榮德而榮。德何以得名。則舊聞放失。安知蜀當李特以前。南安之一境。不有榮伯後裔。遷流遺址耶。武威張澍著蜀典。疑夷公封榮。卽榮昌縣。夫榮昌古曰昌州。無榮之名。至名榮昌。蓋晚。以屬榮縣墓爲不虛。郇子云。持之有故矣。

榮縣志

古蹟第十三

三

史文。卷十

趙熙曰。方志必列古蹟形勝諸目。竊以爲可有可亡。誠末節已。尤陋者。賦詠景物。如八景十二景之流。津津於鄙野相傳。庸夸遞嬗。是宜不足與莊語也。其高論者。指陳攻守。自命英流。則無論臨事難可深據。抑思爲此者。以詔敵乎。云自衛也。鄉人生斯長斯。胡庸

此多文辭耶。茲卽古說之易譌者審諦之。庶幾郇子之教守其慤焉。

榮縣志

古蹟第十二

十三

川上上〇X个